



Saksprotokoll

Organ: Fylkesutvalet

Møtedato: 25.11.2015

Sak nr.: 15/9467-6

Internt l.nr.: 51528/15

Sak: 115/15

Tittel: **Konsekvensar av ei mogleg lisensordning for pengespel - høyringsuttale**

Behandling:

Frå hovudutvalet for næring og kultur låg det føre slik tilråding til vedtak:

1. Fylkesutvalet meiner at ordninga med dagens einerettsmodell fungerer godt, og rår til at denne ordninga vert vidareført.
2. Om dagens ordning vert endra til ein lisensmodell er det viktig å avklare korleis frivillig sektor sine inntekter gjennom spelemidlane, samt dagens finansielle bidrag til kunst og kultur, skal sikrast. Fylkesutvalet føreset at finansieringa av desse områda ikkje vert skadelidande som følgje av ei ev. omlegging.
3. Tiltaka som i dag er sett i verk for ansvarleg spel vert tilrådd vidareført uavhengig av kva reguleringsmodell som vert valt. Dette omfattar både tiltak overfor operatørar i marknaden og overfor spelarane.
4. Omsynet til personvern for spelarane er ikkje eit tungt nok argument mot å sette i gang gjennomgripande tiltak for ansvarleg spel.

Endringsframlegg:

Framstegspartiet og Høgre sette fram slikt framlegg til vedtak i staden for tilrådinga frå fylkesrådmannen:

1. Fylkesutvalet meiner at utviklinga i teknologi og nye spelvanar har ført til eit behov for å endre dagens ordning for pengespel. Endringane må innebære at fleire aktørar får høve til å få lisens for å drive pengespel i Norge, men likevel underlagt streng regulering for å ivareta personar med spelproblem, og inntektene til idrett og frivillig sektor.
2. Om dagens ordning vert endra til ein lisensmodell er det viktig å avklare korleis frivillig sektor sine inntekter gjennom spelemidlane, samt dagens finansielle bidrag til kunst og kultur, skal sikrast. Fylkesutvalet føreset at finansieringa av desse områda ikkje vert skadelidande som følgje av ei ev. omlegging.
3. Tiltaka som i dag er sett i verk for ansvarleg spel vert tilrådd vidareført uavhengig av kva reguleringsmodell som vert valt. Dette omfattar både tiltak overfor operatørar i marknaden og overfor spelarane.

Avrøysting:

Jenny Følling, Sigurd Erlend Reksnes, Aleksander Øren Heen, Åshild Kjelsnes, Helen Hjertaas, Jakob André Sandal og Trude Brosvik røysta for tilrådinga frå fylkesrådmannen.

Bjørn Erik Hollevik og Marita Gunn Aarvik røysta for framlegget frå Framstegspartiet og Høgre.

Dette gir følgjande endeleg vedtak:

1. Fylkesutvalet meiner at ordninga med dagens einerettsmodell fungerer godt, og rår til at denne ordninga vert vidareført.
2. Om dagens ordning vert endra til ein lisensmodell er det viktig å avklare korleis frivillig sektor sine inntekter gjennom spelemidlane, samt dagens finansielle bidrag til kunst og kultur, skal sikrast. Fylkesutvalet føreset at finansieringa av desse områda ikkje vert skadelidande som følgje av ei ev. omlegging.
3. Tiltaka som i dag er sett i verk for ansvarleg spel vert tilrådd vidareført uavhengig av kva reguleringsmodell som vert valt. Dette omfattar både tiltak overfor operatørar i marknaden og overfor spelarane.
4. Omsynet til personvern for spelarane er ikkje eit tungt nok argument mot å sette i gang gjennomgripande tiltak for ansvarleg spel.